

BOSNA I HERCEGOVINA

**DRŽAVNA REGULATORNA/
REGULATIVNA AGENCIJA ZA
RADIJACIJSKU I NUKLEARNU SIGURNOST**



БОСНА И ХЕРЦЕГОВИНА

**ДРЖАВНА РЕГУЛАТОРНА
АГЕНЦИЈА ЗА РАДИЈАЦИОНУ
И НУКЛЕАРНУ БЕЗБЈЕДНОСТ**

VODIČ

ZA PODNOSIOCE ZAHTJEVA ZA PRISTUP INFORMACIJAMA



v.d. Direktora:

Mehidin Sirubalo

Sarajevo, oktobar 2008. godine

1. UVOD

Ovaj vodič pomaže podnosiocu zahtjeva kako bi ostvarili svoja prava u skladu sa Zakonom o slobodi pristupa informacijama u Bosni i Hercegovini («Sl. glasnik BiH », br. 28/00 i 45/06) u daljem tekstu Zakon. Svrha ovog vodiča je da zainteresovane uputi kako mogu što jednostavnije doći do informacija koje posjeduje Državna regulatorna agencija za radijacionu i nuklearnu sigurnost (U daljem tekstu Agencija).

2. INFORMACIJE KOJE SE MOGU TRAŽITI

Zainteresovani može tražiti svaku informaciju koju posjeduje Agencija , osim one koja prema Zakonu može biti izuzeta od objavljivanja.

Informacije koje mogu biti izuzete od objavljivanja se odnose na :

- interese odbrane i sigurnosti, kao i zaštita javne sigurnosti vezano za radijacionu i nuklearnu sigurnost u Bosni i Hercegovini,
- sprječavanje kriminala i svako otkrivanje kriminala vezano za radijacionu i nuklearnu sigurnost,
- povjerljive komercijalne informacije ,
- zaštita procesa donošenja odluka od strane Agencije u davanju mišljenja, savjeta ili preporuka od strane Agencije, zaposlene osobe u Agenciji ili svake osobe koja vrši aktivnost za ili u ime Agencije, a ne obuhvata činjenice, statističke, naučne ili tehničke informacije.

Agencije će odbiti traženu informaciju ako utvrdi da tražena informacija uključuje lične interese koji se odnose na privatnost trećeg lica, naročito će se prilikom izuzimanja od objavljivanja određenih informacija voditi računa o odredbama Zakona o zaštiti ličnih podataka.

3. NAČIN DOBIJANJA TRAŽENIH INFORMACIJA

Za dobijanje traženih informacija neophodno je podnijeti pismeni zahtjev na jednom od jezika koji je u službenoj upotrebi u Bosni i Hercegovini. Pismeni zahtjev je u obliku formulara, koji je sastavni dio ovog vodiča.

4. ROK ZA DOSTAVLJANJE ODGOVORA NA ZAHTJEV

Po primljenom zahtjevu Agencija utvrđuje da li je zahtjev kompletan i jasan. Ukoliko Agencija ustanovi da zahtjev nije kompletan, Agencija će u roku od osam dana obavijestiti tražioca informacije da isti dopuni .

U slučaju da se traži pristup informaciji za koju Agencija nije nadležna, Agencija će zahtjev proslijediti nadležnoj instituciji, najkasnije osam dana od njegovog primitka, o čemu će zaključkom obavijestiti tražioca informacije.

Ukoliko se traži pristup informaciji koja prema Zakonu može biti izuzeta od objavljivanja, cijenice se da li njeno objavljivanje u javnom interesu, o čemu će obavijestiti tražioca informacije u roku od petnaest dana od dana opodnošenja zahtjeva. Ovaj rok može biti i duži u Zakonu predviđenim slučajevima, kada je prethodno potrebno dobiti izjašnjavaње treće strane o saglasnosti za objavljivanje informacije ili se treća strana obavještava da će se informacija koja je Zakonom koja je predviđena kao izuzetak zbog postojanja javnih interesa objaviti.

5. NAČIN DOBIJANJA ODGOVORA NA ZAHTJEV

Kada Agencija odobri pristup traženim informacijama (u cijelosti ili djelimično) o tome rješenjem obavještava podnosioca zahtjeva. Rješenjem se utvrđuje mogućnost ličnog pristupa i uvida u traženu informaciju u prostorijama Agencije u vrijeme koje odgovara podnosiocu zahtjeva i zaposlenom osoblju ili će pod uslovom da je informacija kraća od deset strana dostaviti informaciju u pismenoj formi podnosiocu zahtjeva.

U skladu sa odobrenim zahtjevom, Agencija obavještava podnosioca zahtjeva o mogućnosti da dobije kopiju tražene informacije, ako je informacija duža od deset strana, nakon izvršene uplate naknade troškova umnožavanja.

Naknade troškova umnožavanja naplaćuju se u skladu sa odlukom Vijeća Ministara BiH (Sl. glasnik BiH br. 12/01).

U slučaju da Agencija odbije u (cijelosti ili djelimično) zahtjev za pristup informacijama o tome će podnosioca zahtjeva obavijestiti rješenjem u roku od petnaest dana po prijemu zahtjeva.

U rješenju će se navesti razlozi odbijanja pristupa informaciji, zakonski osnov za status izuzeća informacije, sva materijalna pitanja koja su važna za odluku, te uputiti podnosioca zahtjeva o pravu na ulaganje žalbe.

U navedenom slučaju podnosilac zahtjeva može :

- da uloži žalbu na takvo rješenje;
- da pokrene upravni spor pred Sudom BiH u slučaju da je podnosilac nezadovoljan u pogledu odluke o žalbi ili
- da se obrati ombudsmenu BiH u bilo kojoj fazi postupka.

Prilog:

1. Formular zahtjeva za pristup informacijama
2. Indeks registar

FORMULAR ZAHTJEVA ZA PRISTUP INFORMACIJAMA

Ime i prezime podnosioca zahtjeva

Adresa podnosioca zahtjeva

Telefon/telefax/e-mail

Datum

**DRŽAVNA REGULATORNA AGENCIJA ZA
RADIJACIJSKU I NUKLEARNU SIGURNOST**
Trg Bosne i Hercegovine 1
71000 SARAJEVO

PREDMET: ZAHTJEV ZA PRISTUP INFORMACIJAMA

Na osnovu Zakona o slobodi pristupa informacijama u Bosni i Hercegovini tražim da mi omogućite pristup sljedećim informacijama:

(Navesti tačno koju informaciju tražite i opisati je što je moguće preciznije)

Potpis podnosioca zahtjeva

Prilog:

INDEKS REGISTAR

Sastavni dio Vodiča Državne regulatorne agencije za radijacionu i nuklearnu sigurnost za podnosiocima zahtjeva za pristup informacijama, u smislu Zakona o slobodi pristupa informacijama u Bosni i Hercegovini, čini i Indeks registar koji se podnosiocima zahtjeva detaljnije informiše o vrsti informacija koje može dobiti u Agenciji.

Prema Zakonu o radijacionoj i nuklearnoj sigurnosti u Bosni i Hercegovini („Sl. glasnik BiH“, br.88/07), Državna regulatorna agencije za radijacionu i nuklearnu sigurnost BiH, nadležna je za :

- definiranje politike u oblasti radijacijske i nuklearne sigurnosti, principe sigurnosti i odgovarajuće kriterije kao bazu za svoje regulatorne akcije;
- pripremu i donošenje propisa i uputstava na kojima se baziraju njene regulatorne akcije;
- definiranje ekspozicije zračenju koje se isključuju iz okvira propisa na bazi toga što ne podliježu regulatornoj kontroli;
- ustanovljava i implementira postupke za notifikaciju, autorizaciju i inspekciju i prisilno provođenje regulatornih zahtjeva;
- zahtjevanje da svaki operator provodi procjenu sigurnosti;
- uđe u svako doba u objekte i prostor radi obavljanja državne inspekcije sigurnosti izvora zračenja;
- izdaje, dopunjava, suspendira ili oduzima i postavlja uvjete autorizacije za uvoz, izvoz, proizvodnju, nabavku, prijem, posjedovanje, skladištenje; korištenje, provoz, transport, održavanje, reciklažu i konačno odlaganje, kao i svaku drugu aktivnost u vezi sa izvorima zračenja;
- izdaje, dopunjava, suspendira ili oduzima dozvole tehničkim servisima za zaštitu od zračenja;
- utvrđuje isključenja i izuzeća u vezi sa posjedovanjem i korištenjem izvora zračenja i o tome izdaje odgovarajuće dokumente;
- preduzima odgovarajuće mjere u slučaju radiološkog vanrednog događaja i nuklearnog udesa;
- uspostavlja i održava Državni registar izvora jonizirajućeg zračenja i lica izloženih jonizirajućem zračenju, kao i izdatih dozvola;
- saraduje sa drugim tijelima uprave i drugim institucijama u odnosu na sadržaj rada Agencije;
- ustanovljava određene metode širenja javnih informacija o pitanjima jonizirajućeg zračenja;
- utvrđuje prijedlog iznosa takse za izdavanje autorizacije, odnosno odobrenja, te brine o naplati takse;
- saraduje sa drugim državama, Međunarodnom agencijom za atomsku energiju (IAEA) i drugim relevantnim međunarodnim organizacijama;
- partnerstvo sa Međunarodnom agencijom za atomsku energiju;
- zastupa Bosnu i Hercegovinu na međunarodnom nivou o pitanjima iz oblasti radijacijske i nuklearne sigurnosti;
- preduzima potrebne mjere za sigurnost radioaktivnih i nuklearnih materijala, u saradnji sa relevantnim državnim agencijama, i da traži od drugih nadležnih

organa da vrše praćenje unutar države i na potrebnim kontrolnim mjestima s ciljem otkrivanja izvora koji nisu pod regulatornom kontrolom;

- pomaganje u hitnim situacijama, i reagiranje u skladu sa državnim akcionim planom u hitnim situacijama;
- utvrđivanje zvaničnih aranžmana s drugim relevantnim agencijama uključenim u regulatorni proces;
- davanje mišljenja i preporuka za pristupanje međunarodnim konvencijama, kao i preporuke za usvajanje drugih međunarodnih dokumenata u oblasti radijacijske i nuklearne sigurnosti i
- provođenje obaveza koje je Bosna i Hercegovina preuzela prema međunarodnim konvencijama i bilateralnim sporazumima, a koje se odnose na radijacijsku i nuklearnu sigurnosti primjenu mjera zaštite u svrhu neširenja nuklearnog oružja.

Podnosilac zahtjeva, u smislu Zakona o slobodi pristupa informacija u BiH, može tražiti sve informacije iz domena rada Agencije, osim onih koje prema Zakona o slobodi pristupa informacija u BiH, mogu biti izuzete od objavljivanja (Član 5,6,7,8 i 9 Zakona).

-